

■ COLUMNA

Ils pseudo-patriots

DA JOST FALETT

Success han els – quai è da Srenconuscher. Populisse sem sa paja tar las elecziuns. Respostas simplas sin dumondas complexas, schliaziuns apparentamain sveltas per problems che dovran temp – quai para da plachair al pievel, betg mo tar nus. Populisse vegn da pievel – èn ils populists davaira uschè dastrusch al pievel? Sco patriots sa dattan els en mintga cas. Chantar l'imni naziunal cun il maun sin il cor, sa mussar adina puspè sco ils sulets che salvan la Svizra, sa serrar en e na vulair savair nagut dal mund enturn nus, avair sez la vardad absoluta – è quai vairamain patriotic? Chatter la verdad, di Peter von Matt, è in process public che dovra la debatta ed il disput che includa er la pusai vladad da l'agna errur.

Tge politica dovra nossa patria? Gist en quests dis avant l'elecziun dal cussegl federal è questa dumonda stada pli che actuala. Ed i surprinda quant pauc che la pps resguarda las valurs che nus resentin sco tipicas per noss pajais, la tradiziun vairamain svizra. En gronds placats ha la pps propagà l'indipendenza. Tge indipendenza duvrain nus? L'indipendenza da l'Europa enturn nus? L'Europa s'è midada, e la Svizra entamez na sa betg



viver vinavant sco ils davos 50 onns. Las dependenzas vicendaivlas cun l'Europa èn memia fermas. Sin auters chomps dentant duvrain nus vairamain independenza: p. ex. tar las medias. Là cumpra il tutpussent da la pps gasettas ed entiras chasas edituras ed equipescha quellas cun personal da l'atgna opiniun politica – da quella pussanza na fan ils populists adiever betg mo en Svizra. E tgi ha cumbattì da curt la nova lescha per radio e televisiun che segirescha in service public independent – il ferm liom per la cohesiun da la Svizra quadrilingua? Na stat quella betg a cor als populists?

Indipendenza è er ina premissa indispensabla per in cusseglier federal. Quel duai star sur las partidas. E tge ha fatg la pps? La fidaivladad a la lingia da la partida è sta il criteri central. E la partida ha fixà en ils statuts che in che n'ademplescha betg quel criteri vegnia exclud –

senza resguard sin nossa constituziun che fixescha per il parlament il dretg dad eleger ils cussegliers. La partida decida e nagin auter – e quai di gista quella partida che avant curt ha pretendì l'elecziun dal cussegl federal tras il pievel. N'è betg nossa cussegliera federala partenta Eveline Widmer-Schlumpf il meglier exempel per independenza e curaschi? Ella ha mussà che per schliar ils problems na dovri betg directives da partidas, mabain in gremi che collavura bain, cun cultura politica.

Quella cultura politica Eruina il populisse da dretga dapi onns. Polemica, smanatschas cuntinuantes e lavurar cun la temma han remplazzà il dialog politic e la dispita cultivada. Beffegiar nossa regenza e sprezzar nossa giustia – quai è nov per nus en Svizra. E questa retorica aggressiva, senza respect per noss sistem politic, ha success. Als populists da la dretga na statti betg a cor da schliar ils problems, ma da'ls tegnair chaud per elavurar cuntinuamain votantas e votants. Politica vulgara lavura cun slogans e sensaziuns: «Schein-Invalide» – creà da la pps – è sta in dals emprims exempels. «Schein» vul dir «far parair». E damai che slogans politics èn en moda ma permet era jau da crear in: «Schein-Patrioten» schess jau en tudestg per ch'i chapeschian.